

րիարքի փրկանաւորեաց զնա, եւ նորա տուեալ կաշառս պահապան զօրաց՝ փախուցեալ անկաւ յերուսաղէմ: Ո՞վ կարէ պատմել ասէ նամակագիրն զգործս նորա՝ զի ոչ եթող տեղիս զոր ոչ աւերեաց՝ և ոչ զոք՝ զոր ոչ մատնեաց ՚ի տուգանս, մինչեւ զկանայս և զմայրն իւր իսկ գլխովին (1805):

Գ Լ Ո Ւ Թ Ժ Թ .

Ընդդիմութիւն Լատինաց : Աստիկան սակա Ապու Մէքագի : և փախուստ նորա : Ապուսլլահ Փաշա : Խաւովութիւն և վէճ Յունաց : Նեղութիւն Հայոց վասն Հրովարտակաց : Գիտաւորութիւն փախչելոյ Թէոֆիլոսի : Նեղեալ յոյժ ՚ի տառապանաց :

ԼԱՏԻՆՔԻ կամեցան խափանել զԹաթորն Հայոց ՚ի տաճարին Ս. Յարութեան՝ յաւուր մեծի Հինգշաբթի, յաւուրեցեալ ՚ի վերայ նոցա բրօք և մահակօք, այլ յետոյ նոքին իսկ Լատինք առաքեցին աղաջաւորս առ Թէոդորոս Պատրիարք չգրելինչ զայնմանէ ՚ի Կոստանդինուպօլիս, զի մի անկցի ցրտութիւն ՚ի մէջ մեծամեծաց երկուց կողմանց՝ զի մեք ծանեաք ասեն զյանցանս մեր, թէպէտեւ Լատինք գրեալ էին, և գլխաւորք ազգին պատուիրէին Թէոդորոսի սիրով վարիլ ընդ Լատինս և ընդ Յոյնս : Իսկ Թէոդորոս Պատրիարք նեղեալ յոյժ յայսպիսի տագնտապալից ժամանակի՝ խոյս ետ ՚ի Բեթղէհէմ, յետ կատարելոյ զտօն Պայծառակերպութեանն Քրիստոսի, գտանել անդ սուղ ինչ անդորրութիւն, այլ ՚ի ստիպել հարկին անդրէն դարձաւ ՚ի տեղի իւր :

Ի բազմանալ գանկատանաց և բողոքագրոց ՚ի Դուռն վասն չարութեան Ապու Մէքագ Մէհէմմէտ Փաշայի՝ գրեցաւ հրովարտակ քննել զգործս նորին և բառնալ զնա ՚ի կենաց . յայս պաշտօն կարգեցաւ ՚ի Դրանէ Խասէքի Մուստաֆա աղա : Ի հասանիլ սորա յերուսաղէմ կոչեաց առանձին զԹարգմանն Հայոց, եւ սկսաւ խօսիլ ընդ նմա սիրով եւ քաղցրութեամբ՝ ըստ պատուիրելոյ Թնկրեան